

**Z**achæus in hoc magnam ostendit liberalitatem quod dicebat. **S**i inquit aliquem defraudavi reddam quadruplum **Luc. xix.** Magna liberalitas apparuit in similitudine de seruo nequam cui omnia sunt dimissa **Mat. xviii.** Liberalis debet esse homo in matrimonijs desponsatione et nuptijs tam ex parte dantis quam ex parte recipientis vxorialis fuit liberalitas iugelis quod dando thobie filiam in uxorem dimidium sue substantie pro dotibus dedit ei **Thob. x.** Rex assuerit fecit liberale iuuenum in nuptijs hester quoniam eam desponsauit in uxorem **Hester. ij.** Viri etiam debent vxoribus esse liberales. ideo dixit assuerus hester vxori sue dimidium regni mei si petieris impetrabis **Hester. v.** Magnam liberalitatem ostendit christus in nuptijs quoniam deficiente vino aquam conuertit in vinum. **Jo. ij.** Valde liberalis fuit ille rex qui fecit nuptias filio suo et misit seruos suos vocare iuuitatos ad nuptias donec mense discubentibus fuerint implete. **Mat. xxij.** Liberales debent esse homines religiosi quoniam intrant religionem ad dimittendum vel dandum pauperibus omnia nichil sibi retinentes sic enim christus consuluit iuueni volenti esse perfecto dicens Si vis perfectus esse vade et vende omnia que habes et da pauperibus et veni et sequere me **Matthæi. xix.** Barnabas intrans religionem vendidit agrum et posuit ad pedes apostolorum precium eius **Actuum. iij.** Male successit ananie et saphire prefata religionem intrantibus qui partem precij sibi reseruauerunt et partem discipulis attulerunt. **Actu. v.** Liberalis debet esse homo si attendat liberalitatis remunerationem et punitionem tenacitatis etiam in presenti. Nam quia berzelay prebebat alimentum david et hijs qui cum eo erant dixit ei dominus Veni et requiescas securus mecum in iherosolymis. **ij. Re. xix.** Regina sabam multum obtulit salomoni et salomon dedit ei omnia que petiuit. **ij. Re. x.** Publi? liberaliter recepit paulum et socios et paulus uxorem eius egra restituit sanitati **Act. xxvij.** Quia viri socrot et phanuel non fuerunt liberales geedoni ab eo grauitur sunt puniti **Judic. viij.** Nabal propter suam tenacitatem que maximo fuit piculo mihi largitas abigail suppleuisset. **ij. Re. xv.**

**De loquacitate mulierum**

**Loquuntur mulieres stulte**

- Respondendo.
- Consulendo.
- Reuelando.
- Rixando.

**L**oquuntur mulieres stulte aliquando petendo et petitionibus respondendo. nam sara interrogata cur risisset in medio aeter respondit non nisi Gen. xviii. Stulte loquendo petunt aliquando mulieres impossibilia fieri. sic Rachel dicebat iacob. Da michi liberos quia quasi haec in sua essent potestate. Gen. xxx. Stulta fuit peticio matris filiorum zebedae et ideo fuit a domino reprobata quia petebat ab eis quietem ante laborem. brauium autem cursu. coronam ante victoriam Math. xx. Importuna peticio ancille fecit petrum negare saluatorem. math. xxvi. Multa verba stulta petendo et respondendo ante quam christum cognosceret dixit illi mulier samaritana Joh. x. **L**oquuntur aliquando mulieres valde stulte in consiliis pro se nescientes neque a prudentibus volentes addiscere sed suo proprio appetitui credere et stultis aliorum consiliis assentire. Ido eua stulte locuta est consulendo viro suo ut de vetito fructu manducaret. quia prius legis fuisse locuta cum serpente instruente facere malum. quam cum deo in oratione vel cum viro instruente ut ab eo reciperet dominium Gen. iii. Vxor anian audiens querimoniam viri de marthocheo stultum dedit viro consilium et ille stultus credidit ei dicenti Iube excelsam trabem parari Iester. v. De hac materia quere plura exempla de consiliis malis ca. xxxii. **L**oquuntur aliquando mulieres stulte reuelando secreta eis imposta que retinere non possunt. ideo stultum est viris eis reuelare secreta. Nam vxor sampsonis statim quando propositione didicit a marito in damnum eius alijs reuelauit inimicis Judic. xviii. Dalida sciens vbi esset fortitudo sampsonis statim illud reuelauit inimicis Judic. xvi. **L**oquuntur mulieres stulte aliquando rixando cum vicinis bonum ouertendo in malum. nam quia deus ex magno deuotione saltauerat ante archam. vxor eius promissa et quasi conuiciando dixit ei quod gloriosus est tibi die factus rex discoopiens se ante ancillas seruoꝝ suorum. ii. Re. vi. Ancilla sare reprehensa a domina sua rixando dixit. amplius non videam ex te filios interfectrix virorum tuorum Thob. iiij. Vxor thobie cum rixa ei conuiciando respondit. Vana facta est spes tua. Thobie. iiij. Vxor iob conuiciando ei dixit Benedic deo et morere. cui iob. quasi vna ex stultis mulieribus locuta est. Si bona suscepimus de manu domini mala autem quare non sustineamus? Job. ij.

**De luxuria et incontinentia.**